

Un bon mestri

Di buinore la matine
cuantch'al cuche il sorelùt,
zire l'àrie fresculine
e il cjantà d'un ucelùt.

L'ucelùt plen di legrie
ch'al ten bon dut ce ch'al ven,
un grant mestri d'armonie
tant l'insegne a vivi ben.

Pur jessint te scjaipulute
cjastiât e dut tal stret,
in preson par dile dute,
istes cjante cun rispièt.

Al è cence companie
e nissun che i dà confuàrt,

Poesie e Racconti Friulani

nol proteste mai par nie
e al omp no i fâs un tuart.

Un cjastic lu à par vie
no sei libar di svolà fûr,
lui nol ten malincunie
mai nol smet cjantà di cûr.

Cheste jè filosofie
di no fà sintì lament,
sol cjantose cun legrie
par fà smpri il cûr content.